

## Segunda carta de San Pablo a Timoteo

### *Timoteore Pablo ĩ papera cõare gaye*

<sup>1-2</sup> Ñati yu baba Timoteo mu. “Quenajaro”, ya yu mare. Yu ña Pablo. Adi papera mare cõa yu. Jesucristo ĩ cõru ña yu. Jane mejeju ado bajiro yicãiyu Dios: “No yu Macure tuorũnarãreti ña catitĩñaroca yigu yigũja yu”, yicãiyu Dios. Iti oca yu riaso ucutoni yure cõni Dios, ĩ ãmoro bajiroti. Tuoya Timoteo mu. Mare buto tuo maicõri yu macure bajiro mare tuoia yu. Mani Jacu Diore mare yiari seni ĩsisotia yu. “Ī queno ñaroca yiya. Īre ti maiña ito yicõri ñe oca manoti ĩ ñaroca yiya”, yi Diore seni ĩsisotia yu mare yiari. Ito bajiroti mani Uju Jesucristore cuni seni ĩsisotia yu mare yiari.

### *Masare Cristo oca goti batoya, Pablo ĩ yire gaye*

<sup>3</sup> Yu ñicũsabatia Diore ña rãcũbuoado bajiroti rãcũbuoa yu cuni. “Yu ñeñaro yirisere coe jeoñi Dios”, yi tuoĩacõri ĩ tiro riojo queno ĩre moa ĩsia yu. Umu ñami cuni mare yiari Diore seni ĩsisotia yu. Mare tuoia bujacõri, “Queno ya Dios mu”, yisotia yu ĩre. <sup>4</sup> Yu wacati rumu mu oticati masia yu. Mucana mare buto ti ãmoa yu queno wanu quenarocu. <sup>5</sup> “Cristore queno tuorũnũgũ ñami Timoteo”, yi tuoia yu mare. Mu ñico Loida, mu jaco Eunice cuni mu riojuaju ito bajiro Cristore tuorũnũyijarã ña. “Mu cuni ito bajiroti Cristore tuorũnũgũ ñagũja mu”, yi tuoia yu mare.

6 Ito bajiri yu ãmo mure moa jeocati rumu mxcana mu tãdi tũõare ãmoa yu. Ito bajiro yu yicati rumu Diore mu moa ãsi masiroca yĩni ã. Itire ãcabojabesa. Wanxcõri queno busa ãre mu moa ãsire ãmoa yu. 7 Mani ya xsiyu mani tũõa gãi ñatoni meje yĩni Dios. Ado bajiroyu yĩni. Mani tũõa oca sãoroca yĩni ã. Espiritu Santo manire queo sãcõri queno mani ãre moa ãsiroca yĩni. Gãjerãre mani ti mairoca yĩni. Ito yicõri ñeñarise mani ñemecuti masiroca yĩni Dios. 8 Mani Uyu Jesucristo bñsi ejabugũ, “Masare masogũ ñami ã. ãre riti tũorũna yu”, yibojobesa. Masare Jesucristo oca yu riasore waja ado tubia ecoru ña yu. Ito bajiro yu bajibojarocati, “Pablo ñami yu baba”, yibojobesa. “Pablo ã tũõa bñjatobitiro bajiro bñjagu yigũja yu cuni”, yi tũõa gãibesa. Jesucristo oca quenarise mu masare riasobojarocati co rumu mu tũõa bñjatobitiroca yirã yirãji gãjerã. Ito bajiro ãna yibojarocati mu ñemecuti masitoni mure ejabugũ yiguĩji Dios. 9 Manire masoñi Dios. ã ñarã queno yirã mani ñatoni manire beseñi ã. Mani queno yirise ticõri meje manire masoñi Dios. Ñeñaro yirã mani ñabojarocati manire masoñi ã. Manire ti maicõri ã ãmoro bajiroti manire masoñi Dios. Adi macãrucũro ã rujeoroto rioyu manire masi yucõri manire ti maiyiyu Dios. “Yu Macu Jesucristo ã godarotina sũoriti ãnare masogũ yigũja yu”, yi tũõa yucãyiyu Dios. 10 Adi sitayu wadicõri mani Uyu Jesucristo ã manire goda ãsirena sũoriti, “Manire ti miami Dios”, yi tũõa masia mani, adi rumuãri ãja. Godaboguti tãdi Jesucristo catijare, ãja mani godarotire gãibeã mani. “Cristo oca quenarise mani

tʰorũnʉja mani catitĩñaroca yigũ yiguĩji”, mani yi masiroca yami ĩ.

<sup>11</sup>Iti oca yũ masare goti rēto butoni yũre cũni Dios. Judio masare meje Cristo oca yũ riaso ucutoni yũre cũni ĩ. <sup>12</sup>Iti oca yũ riasore waja ado tʰoĩa bʉjatobiti ña yũ. Yũ tʰorũnʉgũre ĩre queno masia yũ. Ito bajiri ado tubia ecobojagũti bojori bʉjabea yũ. Yũre tirũnʉgũ yiguĩji ĩ. Ito yicõri, “Masa ñeñaro yirise waja ĩ seniri rũmũ yũre masogũ yiguĩji”, yi masia yũ.

<sup>13</sup>Oca ñasarise mũare riasocũ yũ. Iti oca yũ mũare riasocati riaso jidicãbesa masare. Jesucristore tʰorũnʉ jidicãbesa. Jesucristo ñarã ñacõri ĩre tʰo mairũja manire. Ito bajiroti gãjerã ĩre tʰorũnʉrãre cũni mani maija quena. <sup>14</sup>Ĩ oca masare mũ riasotoni mũre cũni Dios. Mani ya usijũ quedi sãjarũ Espiritu Santo ĩ ejabũarisena masare riasoya.

<sup>15</sup>“Asia sita gãna Pablora jidicãni ĩna”, yi masigũja mũ. ĩna wato ñama yũre jidicãrã Figelo ito yicõri Hermógenes. <sup>16</sup>Yũre ĩna jidicãbojarocati Onesíforo wame cutigũama yũre ejabũaquĩ. Ito yicõri yũ oca sēoroca yiquĩ ĩ. Tubiara wi yũ ñabojarocati “Ĩre ti ãmobe a yũ”, yibitiquĩ yũre. Ito bajiri ĩre mani ʉjũ Dios queno ĩ yire ãmoa yũ. ĩ ñarãre cũni ito bajiroti Dios ĩ yire ãmoa yũ. <sup>17</sup>Ado Roma wame cutiri cuto ejacõri yũre bʉjarocũ ãma jidicãbisĩ ĩ. <sup>18</sup>“Ado Efesoju Pablo ĩ ñaroca queno ejabũaquĩ Onesíforo”, yi masigũja mũ. Yũre ĩ queno yire waja ĩre queno yijaro mani ʉjũ. Masa ĩna ñeñaro yirise waja ĩ seniri rũmũ ĩre ti maijaro Dios.

## 2

*Ñemecutiya Timoteo m̄, Pablo ï yire gaye*

<sup>1</sup> T̄hoya ȳ mac̄ Timoteo m̄. Manire ti maicõri ï ñarã mani ñaroca yiñi Jesucristo. Ito bajiri itire t̄oĩacõri oca s̄oña m̄. <sup>2</sup> Jãjarã masare oca ȳ riasoroca t̄ogocac̄ ñac̄ m̄. Ito bajiri ȳ m̄re riasogocati Jesure masirãre riasoya, gãjerãre ña riaso masitoni. Ito bajiro m̄ yija gãjerãre Cristo oca ñasarise riasorã yirãji ña c̄ni.

<sup>3</sup> Jesucristore queno t̄orãngũ ña m̄. Ito bajiri t̄oĩa b̄jatobitibojaḡti surara mas̄ bajiro ñemecutiya m̄. <sup>4</sup> Ña ɱj̄ rotirise riti t̄orãnrãji surara. Gãjerã ña yisotiriseama t̄orãn̄menaji ña. Ña ɱj̄ rotirise riti c̄di ãmorãji ña. <sup>5</sup> Ito bajiroti no ajere gaye r̄tocũ ãmogũ, ajere ɱjarã ña rotiro bajiro ï c̄dija quena. Itire ï c̄dibeja ï ajere waja b̄jabiquĩji ï. <sup>6</sup> Ito bajiroti no weseca moagũ ï moare waja cajero iti wese rica b̄jaḡ yiguĩji ï. Gãjerã rioj̄a b̄jasoḡ yiguĩji ï. Ito bajiroti bajija quena. <sup>7</sup> Iti oca m̄re ȳ gotirise queno t̄oĩaña. Itire m̄ queno t̄oĩaja m̄ t̄oĩa masiroca yiḡ yiguĩji mani ɱj̄.

<sup>8</sup> Jesucristo ï ñare gaye t̄oĩate m̄. ɱj̄ ñayor̄ David wame c̄tiḡ janerãbatia janami ñayij̄ ï. Ñre ña s̄iabojarocati ï t̄di catiroca yiyij̄ Dios. Iti ña oca quenarise. Ito yicõri iti ña masare ȳ oca goti r̄tobure. <sup>9</sup> Iti oca masare ȳ riasore waja ado tubiara wij̄ t̄oĩa b̄jatobiti ña ȳ. Ñeñaro yiḡre bajiro come mana ȳre siacã ña. Come mana ȳre ña siabojarocati Dios ocareama camota masime-naji ña. <sup>10</sup> Ito bajiri ado roboj̄a bajia. Dise r̄yabeto ȳ t̄oĩa b̄jatobitiroca ña yibojarocati

ñemecutigũ yigũja yũ. Dios ã beseana Jesucristore ãna tuorũnũre ãmoa yũ. Ñre ãna tuorũnũja ãnare masogũ yiguĩji. Ito bajiri ã rãca ũmacũjũ catitĩñarã yirãji ãna. Itire tuoĩacõri yũ tuoĩa bujatobitiroca masa ãna yibojarocati itire ñemecutigũ yigũja yũ.

<sup>11</sup> Oca riojo ñasarise ado bajiro gotia:

Cristore tuorũnũrã ñari mani godaja ã rãca catitĩñarã yirãji mani.

<sup>12</sup> Tuoĩa bujatobitibojarãti mani ñemecutija, co rãmũ ã rãca rotirã yirãji mani cũni. “Masibea yũ Jesure”, mani yija co rãmũ, “Masibea yũ mure”, yigũ yiguĩji ã cũni manire.

<sup>13</sup> “Ado bajiro yiana mani”, mani yiro robo yi jeobitibojarocati ãjũama, “Ado robo yicũja yũ”, ã yiado bajiroti yi jeogũ yiguĩji. Riojo gotisotigũ ñari rũore oca goti masibeami ã.

### *Queno Diore moa ãsiña, Pablo ã yire gaye*

<sup>14</sup> Mure yũ gotirise ito gãna mũcana tũdi ãna tuoĩaroca yia. Ado bajiro ãnare mũ gotire ãmoa yũ: “Biyaro mũa oca josarise jidicãtoni yũre cũñi Dios. Ito bajiri ñasabitire mũa tuoĩa jidicãja quena. Ñasabiti mũa tuoĩa busija, ñe waja ma iti. Ito bajiro mũa busija tuocõri, tuo wisarã yirãji mũare tuo coderã cũni”, yia ito gãnare. <sup>15</sup> Dios ã mure ti wanũtoni yiro robo queno ãre moa ãsiña Timoteo mũ. Ito bajiro mũ yija ticõri, queno mure wanũgũ yiguĩji Dios. Ñ ocare queno riasotiya, masare queno mũ goti rõtobu masitoni. “Diore queno moa ãsia yũ”, mũ yi masija ã tiro riojo bojobicũ yigũja mũ. <sup>16</sup> Adi sita gaye riti tuoĩacõri rũore oca riasorã rãca tuoĩa busibesa. Ito bajiro masare riasocõri bũto bũsa ãna ñeñaro yi waroca yirã yirãji ãna.

17 Rũore oca riasorã ãna rũorise cami jogare robo bajiro baja. ãna rũorise cami joga waro bajiro baji waju iti. Gãjerãre ãna tũoãa wisaroca ya iti. Jũarã rũore oca riasorã ado bajiro wame cutirã ñama, Himeneo, ito yicõri Fileto. 18 Oca riojo ñasarisejua jidicãcõri rũore ocajua riasoama ãna. “Godarãre mũcana tũdi catiroca Dios ã yiri rũmũ rẽtacoaju”, yi riasoama ãna. Ito bajiro ãna riasoja tũocõri, coriarã Jesucristore tũorũnrã tũoãa wisama ãna. 19 Ito bajiro ãna riasobojarocati Dios ocama ñeñabetoja iti. ã oca ito bajiro ñatĩñaro yiroja. ã oca ado bajiro gotia: “ã ñarãre ti masiami mani Ũju”, yi gotia Dios oca. Gaje ado bajiro gotia iti: “No, Jesucristore tũorũnrã ña gũa’, yirã, ãna ñeñaro yirisere jidicãja quena”, yi gotia Dios oca.

20 Queno tũoya, goti masiore ocana mũre gotigu ya yũ. Wi jajo wiju somotẽrori jaje ñaro yiroja. Quenari tẽrori ñaro yiroja. Oro wame cutirisena ito yicõri plata wame cutirisena ãna menire ñaro yiroja iti somotẽrori. Somotẽrori gaje bũto quenarise meje ñaro yiroja. Yucana, ririna ãna menire ñaroja gaje. Iti wi uju ñasari masa ãna ejaja ticõri, somotẽrori quenarisena bare jeogu yiguĩji ãnare. Iti tẽrorire wanũgũ queno codegu yiguĩji ã. Gaje somotẽrorireama quenasabitire co rũmũ rayabeto bare jeo bagu yiguĩji. 21 No ñasarise Diore moa ãsi ãmogũ ñarocõti ñeñaro ã yirise jidicãja quena. Ñeñarise jidicãcõri Diore riti ã rũcũbũoja quena. No ito bajiro yiguti quenarise Diore moa ãsigũ ña yucãgũ yiguĩji.

22 Mamũ ñabojaguti gãjerã mamarã ãna ñeñaro yi uyarisere ti cũbesa mũãma. Quenarisejua riti

yisotiya mu. Diore riti tuorunu ñasotiya. Gãjerãre ti maicõri queno ñe oca manoti, ñaña mu. Ìna ñeñaro yirise jidicãnjua Cristore riti tuorunurã rãcajua baba cutiya. <sup>23</sup> Ñeñaro tuoia busirã rãca baba cutibesa. Ìna tuoia busirise rocati gaye ñacõri ñe waja ma. “Masa Ìna oca josaroca yama Ìna”, yi masigũja mu Ìnare. Mure Ìna seniã josabojarocati Ìnare tuorunubesa. <sup>24</sup> No mani Ujũre moa Ìsi amogũti oca josagu meje Ì ñaja quena. Ado robojua Ì bajija quena: Masa jeyarore queno yigu ñaja quena. Queno riasogu ñaja quena. Ìre bajiro Ìna tuoĩabitibojarocati usirioro Ìnare yi codebicu Ì ñaja quena. <sup>25</sup> Dios oca ti tudirãre quenoti Ì goti quenoja quena. Ito bajiro Ìnare Ì gotija Ìna ñeñaro yirise jidicãroca yigu yiguĩji Dios gajea. Ito bajiri Dios oca ñasarise tuorã yirãji gajea. <sup>26</sup> Oca ñasarisere tuorunucõri quenarisere tuoĩarã yirãji Ìna. Ìna ñeñaro yirisejũare jidicãcõri rãmua ujũre rãtocũrã yirãji Ìna. Rãmua ujũre cudigoana ñabojarãti Ìre rãtocũrã yirãji.

### 3

#### *Adi macãrucũro iti jedi wariju gaye*

<sup>1</sup> “Adi macãrucũro iti jedi wariju buto josari ramuri ñaro yiroja”, mu yi masire amoa yu. <sup>2</sup> Ado bajiro bajiro yiroja. Ìna ya rujũre maicõri Ìna ya gajeonire cuni tuo mairã ñarã yirãji adi sita gãna. Ito bajiroti Ìna ya niyerure cuni tuo mairã yirãji. “Gãjerã rãtoro ñasarã ña gua. Ñejuã ruayabea guare”, yi tuoĩarã yirãji masa. Gãjerãre busiturã yirãji. Ìna jacusabatiare cudimena yirãji. Ìnare queno

gãjerã yibojarocati, “Queno ya m̃ua”, yimenaji ãna. Ñeñaro yirã ñari Dios ocare c̃ni r̃uc̃b̃uomena yirãji ãna. <sup>3</sup> Gãjerãre ti maibiticõri ãnare ñeñaro yirã yirãji ãna. Gãmeri ti tudirã yirãji. Oca ruo gotiri masa ñarã yirãji ãna. ãna ñeñaro yi ãmorise ñemecutimenaji. Gãjerãre ñeñaro yi coderã yirãji. Queno yirãre ti tudirã yirãji. <sup>4</sup> “M̃u babaguti ñagũ yig̃ja ỹ”, yi ruocõri, oca menirã yirãji ãna. ãna ãmoro bajiroti ñeñaro yirã yirãji ãna. “Gãjerã r̃etoro ñasarãguti ña g̃ua”, yirã yirãji ãna. Dios ã ãmorisejua yiro õno yirã ãna yi ãmorisejua yirã yirãji ãna. <sup>5</sup> “Dios ocare r̃uc̃b̃uorã ña g̃ua”, yirã yirãji ãna. Ito bajiobarocati, “Dios sig̃ti ñami r̃etoro masig̃”, yi r̃uc̃b̃uomenaji ãna.

Ito bajiro yirã rãca baba cutibesa. <sup>6</sup> Romia queno tuoñamenare, “Dios oca m̃uare goti r̃etobuana g̃ua”, yama ãna coriarã. “Bujato bajia ñeñaro yirã romia ña g̃ua”, yibojarãti ñeñaro ãna yirise jidicã masimena romiare ãmarã yirãji ruori masa. Ito bajiro bajirã romiare ruorona ãmarã yirãji ãna. <sup>7</sup> Dise ruayabeto gãjerã ãna riasobojarisere tuorãnu ãmoama romia ãnaõna. Ito bajiro yicõri Dios oca ñasarisere tuo masibeama ãna. <sup>8</sup> Jane mejeju Janes wame cutigu ito yicõri Jambres wame cutigu c̃ni Moisés ñayorare ti tudicõri ãre c̃di ãmobisjarã ãna. Ito bajiro bajirã ñama ruori masa. Dios oca riojo ñasarisere ti tudiamã ãna. Ñeñarise riti tuoñama ãna. “Diore tuorãnurã ña g̃ua”, yibojarãti ãre tuorãnurã meje ñama ãna. <sup>9</sup> Ito bajiro ãna bajijare, “Rocati ruore oca riasoama ãna”, yi masirãji masa jeyaro. Jane mejeju Janes ito yicõri Jambres c̃ni ãna ruore ti masiado bajiroti adi rumari ruorãre c̃ni ti



masirã yirãji masa.

*Timoteore Pablo ĩ rotire gaye*

<sup>10</sup> ĩna robo bajigu meje ña Timoteo muáma. Masare yu riasorise gaye queno masia mu. “Ito bajiro ñasotigu ñami Pablo”, yure yi masia mu. “Jesucristore tuorũnugũ ñari ĩ amorise riti yi amoami Pablo”, yi masigũja mu yure. “Masare usirioro yigu meje, ĩnare ti maigũ ñami Pablo”, yure yiguja mu. “Tuoĩa bujatobitibojaguti Dios oca masare riaso jidicãbisĩ Pablo”, yure yi masigũja mu. <sup>11</sup> Cristo oca yu riasojare masa ĩna yure usirioro yi codeja ticu mu. Yu tuoĩa bujatobitija ticu mu. Antioquía, Iconio ito yicõri Listra wame cutiri cutoju cuni yure rõtare ñarocõti masigũja mu. Iti cutoriju yu tuoĩa bujatobitiroca masa ĩna yure yire masigũja mu. Ito bajiro ĩna yibojarocati mani Uju yure codeñi ĩ. <sup>12</sup> No Jesucristore tuorũnurã queno yi amorãre usirioro yi coderã yirãji gãjerã. <sup>13</sup> Ñeñaro yirã ito yicõri ruo jairã cuni buto busa ñeñaro yi warã yirãji. Ruore oca gotisotirã yirãji. Gãjerã cuni ito bajiroti ruorã yirãji ĩna ruorã ñajare.

<sup>14</sup> ĩna bajiro yibesa muáma. Dios oca mu riasotire tuorũnu jidicãbesa. “Yure riasogoana oca riojo ñasarise riasocã ĩna”, yi masigũja mu. <sup>15</sup> Dios oca tutire macnacã ñagũju riasotisuoijija mu. Dios oca riasotigu ñari, “No Jesucristore tuorũnugũti, ĩre masogũ yiguĩji Dios”, yi masigũja mu. <sup>16</sup> Dios oca tuti ucagoana ĩna tuoĩa rujeore meje ucayijarã ĩna. ĩna tuoĩariseju Dios ĩ gotire riti ucayijarã. ĩ oca tuti ña mani riasotiroti. Itire riasoticõri oca riojo ñasarise masia mani. Itire riasoticõri, “Ñeñaro yigu ña yu cuni”, yi masia mani. “Yu ñeñaro yirise

jidicãcõri, queno ñagũ yigũja yu”, yi masia mani. Ì ocare riasoticõri Dios ì ãmorise quenarise moa masia mani. <sup>17</sup> “Ado bajiro Diore mani moa Ìsija quena”, mani yi masire ãmoami Dios. Gãjerãre quenarise yirona mani ña yucãre ãmoami Dios. Ito bajiri ì ãmorise mani yi masitoni ì oca tuti manire cũñi ì.

## 4

### *Timoteore Pablo rotisare gaye*

<sup>1</sup> Tũoya Timoteo mu. Yu mure rotirise tũoami Dios. Cristo masa jeyarore ti beserocu cuni yu mure rotirise tũoami. Jesucristo ì tũdi ejari rumu catirãre, godanare cuni ti besegu yiguñi. Ñeñaro yigoana tũoia bũjatomena yirãji ña. Jesucristore tũorũnrãma ì rotiroju ì rãca ñatĩñarã yirãji mani. Itire masigũja mu. Ito bajiri ado bajiro mure rotia yu. <sup>2</sup> Dios oca masare riaso ñasotiya. Masa ña tũo ãmoja, ña tũo ãmobeja cuni oca ñasarise riaso jidicãbesa. “Ñeñaro yirã ña gu”, masa ña yi masitoni ñnare riasoya. Ìna ñeñaro yirise jidicã ãmomenare goti quenoña. Dios oca masare riasocõri ña oca sũoroca yiya. Coji Dios ocare ña tũo masibitibojarocati ñnare junisinibesa mu. Æsiribicati ñnare Dios oca riasosotiya. <sup>3</sup> Oca riojo ñasarisere ti tecõri itire masa ña tũo ãmobiti rumu ejaro yiroja co rumu. Ìna ñeñaro yi ãmorise riti yirã yirãji ña. Ito bajiri ña tũo ãmorise riasorãre riti ãmarã yirãji ña. Oca riojo ñasarise riasorãjuare tũo ãmomenaji ña. <sup>4</sup> Oca riojo ñasarisere jidicãrã yirãji ña. Masa ña tũo gotirisereama tũorũnrã yirãji ña. <sup>5</sup> Muãma ña bajiro yibeja mu. Queno tũoñarise

jidicãbesa m̃. T̃hoĩa bujatobitibojaguti ñemecũtiya m̃. Cristo oca t̃hoĩamenare riaso ucuya m̃. M̃ moaroti Dios ĩ cũre ñaro bajiroti yiya.

<sup>6</sup> Ỹre ĩna s̃laroti rum̃ jabeto r̃ya. Jesucristo oca masare ỹ riasojare ỹre s̃larã yirãji ĩna. Ito bajiri yoari mejeti Dios t̃ wac̃ yig̃ja ỹ. <sup>7</sup> “Ĩna ñeñaro yirise jidicãjaro”, yiroc̃ Cristo oca masare riaso josac̃ ỹ. Jeyaro moare ỹre Dios ĩ cũre ito bajiroti jeoa ỹ. Diore t̃horũñ jidicãbitic̃ ỹ. <sup>8</sup> Ito bajiri ĩre ỹ t̃horũñ jidicãbitire waja ỹre queno yig̃ yiguĩji Dios. Queno yigoana ĩna jesari bedo bujagu yig̃ja ỹ c̃ni. Masare ĩ ti beseri rum̃ ỹre waja yig̃ yiguĩji ĩ. Masa ĩna yigoado bajiroti ĩnare ti beseg̃ yiguĩji ĩ. Ỹre riti meje waja yig̃ yiguĩji ĩ. No Jesucristore t̃ho maicõri ĩ t̃di ejari rum̃ bocatirãre c̃ni queno waja yig̃ yiguĩji ĩ.

### *Timoteore Pablo ĩ ti ãmore gaye*

<sup>9</sup> T̃hoya Timoteo m̃. Yoari mejeti ỹre tig̃ waya. Sejabesa m̃. <sup>10</sup> Ỹ rãca ñabojagu ỹre jidicãquĩ Demas wame c̃tig̃. Dios gaye r̃toro adi sita gayejure ãmoquĩ ĩ. Ito bajiri ỹre jidicãcõri Tesalõnica wame c̃tiri c̃toju waquĩ ĩ. Galacia sita gãnare Dios oca riasog̃ waquĩ Crescenteama. Ito yicõri Dalmacia sita gãnare riasog̃ waquĩ Tito c̃ni. <sup>11</sup> Lucas sig̃ti ñami ỹ rãca. Ito bajiri Marcosre ãmacõri ĩre ãmi waya. Ỹ moarise ỹre ejabua masiguĩji ĩ. <sup>12</sup> Tíquico wame c̃tig̃re Efeso c̃toju cõac̃ ỹ. <sup>13</sup> Wadig̃ joe sãñado ỹ yaro ãmi wadiba. Troas gag̃ Carpo wame c̃tig̃ ya wiju c̃c̃ ỹ. ãmi wadi ĩsiña ỹre. Papera tutiri c̃ni ãmi wadiba. Ỹ ya papera tunare m̃ ãmi wadisacõre ãmoa ỹ.

14 Alejandro come moari masu jaje ñeñaro yiqui yure. Yure i ñeñaro yiadocoti ñe waja senigũ yiguji mani Uju. 15 Roya ñe, mare cani ñeñaro yigu yiguji gajea. Oca ñasarise mani riasorisere buto ti teami i.

16 Oca quenori masa tiro riojo, “Ñe seti ma yure”, yu yi ejasucati ruru sigũ yure busi ejabugũ maniqui. Yu rãca ñabojarã yure jidicãcã. Ito bajiro yure ña ñeñaro yibojarocati, “Ñare waja senibitijaro Dios”, yi tuoia yu. 17 Yu baba mesama ña yure jidicãbojarocati mani Ujuma yure jidicãbis. Yu oca seoroca yini. Ito bajiro yure i yijare judio masa meje ñarãre oca riojo ñasarise goti rãtobu jeocu yu. Yure ña sia amobojarocati camotañi Dios. 18 Umacũju Dios i rotiroju yu ejare amoami i. Ito bajiri ñeñarise yu yibe yirocu yure ejabugũ yiguji i. Ito yicõri yure masa ñeñaro yi amobojarocati yure codegu yiguji i. Ñe rãcubotĩñarãja manire, “Rãtoro masigũ ñami”, yirã. Ito bajiro riti ñatĩñajaro.

### *Quenajaro masa, Pablo i yi ñucare gaye*

19 Quenajaro Aquila i manajo Priscila cani. Quenajaro Onesiforo ñarã cani. 20 Mani yagu Erasto Corinto cutoju tujacoami. Mileto wame cutiri cutoju mani yagu Trófimore cucu yu, i cõja ticõri. 21 “Juebcu riojã busa i tu ejacuja”, yirocu ejori busa waya. Eubulo, Pudente, Lino ito yicõri Claudia cani, “Quenajaro”, yi ñucama mare. Ado gãna mani ñarã Jesucristore tuorãnarã cani, “Quenajaro”, yi ñucama.

22 Mu rãca ñatĩñajaro Jesucristo. Mu ya usiju oca seoroca yijaro i. Mu rãca ñarã ñarocõreti queno yijaro Dios. Itocõ ña.

## **Dios Oca Tuti New Testament in Macuna**

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
2581ee54-739f-5595-8d44-83c638ed667b